

張曦雯被批今年或會結婚生仔

曾被導演睇死 高Ling爭氣 成主角

香港文匯報訊(記者 阿祖)《Master's Talk 師父有請》第五集邀請到李佳芯(Ali)、張曦雯(Kelly)和高海寧(Ling)三位美女接受訪問,跟主持人林盛斌(Bob)和麥玲玲師傅大談玄學上的「主角命」,麥玲玲指女演員一開始做主角並非易事,只有張曼玉、袁詠儀等人有這種命,但在場幾位都要經過一番努力。高海寧自爆曾被導演睇死不能成主角。三女讓麥玲玲批算牛年的運程, Kelly被指有機會結婚、生仔或者買樓。

●高Ling初
入行時以性感形
象示人,並沒有
想太多。



●Kelly選
完華姐之後,
曾重返模特
兒界。



●左起:林盛斌、張曦雯、李佳芯、高海寧和麥玲玲。

高Ling表示自己2008年入行, 17年才首次做主角, 而Kelly稱2012年入行, 去年正式當上主角。Ali由友台

做主持開始, 慢慢由配角到主角, 她說:「我成日覺得鮮花是需要綠葉襯托, 我不介意做綠葉, 當然如果有機會做花, 每個人都想做花, 當我做了花, 我才知原來我是花, 第一部應該係《律政強人》。」身旁的Kelly和高Ling均笑言曾做過Ali的綠葉。

高Ling初入行時以性感形象示人, 她表示自己沒有想太多, 只是有任何工作都照接, 不過拍劇時有聽過難聽的說話, 她說:「有個導演同我講:『你呢世都做唔到主角』, 真係幾大打擊, 他純粹睇樣就這樣講……」高Ling又指無論女一還是二、三、四, 她都樂意去做, 「阿余同我講過, 至今都記得, 不要理什麼角色, 你要界心機做, 不是主角不緊要, 演好她, 那場戲你就是主角, 甚至你可以做得更好, 到時蓋過主角光環都不一定。」高海寧去年就主演了《C9特工》及《反黑路人甲》多部劇集。

Kelly 錯失拍劇機會

Kelly揚言選華姐之後本來有機會拍劇, 但自己沒有跟無綫簽約重返模特兒界, 她說:「當時不懂去想, 後來返轉頭入來已經太遲沒機會拍劇, 只能做明珠台主持。」

麥玲玲指部分藝人放封面賣書會較好, 除了周慧敏、徐子淇, 高Ling亦是賣得較好的一個。麥玲玲又指高Ling和Kelly均是屬於鼻高一族, 容易吸引男女的注意力, Ali則有桃花眼。Ali說:「我係大眼, 過目即忘! 我坐着人家是感受不到我體溫呀, 行過都不覺得我存在。人生沒什麼機會做過主角!」Kelly自爆她的臉蛋化上不同款妝, 就會不同樣子, 曾試過三家銀行都用她做模特兒, 行規上是不容許, 但客戶都不察覺。

最後, 三女讓麥玲玲批算牛年的運程, 麥玲玲指Kelly是天合地合年, 有機會結婚、生仔或者買樓, Kelly聞言即時稱千萬不要懷孕, 更說:「那我揀買樓算啦!」Ali則被批牛年為變化年, 例如工作上有機會變化, 又或跟另一半的關係有機會改變, Ali問:「即是結婚或分開? 暫時兩樣都不是, 未有結又未分, 我反而期待事業上的突破, 我有興趣搞生意……」Ali未講完, 麥玲玲已經直指她沒有生意命, 叫她死心, 因Ali本身野心不大, 是很穩定的人, 不主動不進取, 連做藝人都是相當另類。Ali笑言:「你這樣講我真是不應該入行? 或者我是時候退休了?」

張敬軒亮相《勁歌》 樂易玲何麗全探班

香港文匯報訊(記者 梁靜儀)張敬軒(軒仔)昨日到電視城錄影《勁歌金曲》, 錄影完畢後, 無綫高層樂易玲及星夢CEO何麗全亦有現身探班, 令軒仔大感驚喜。

軒仔表示已有年多沒有上《勁歌》, 據知今集節目將以他為主, 儼如小型演唱會。軒仔指今次因為是宣傳新碟加演唱會DVD, 所以責任重大。談到他現時可亮相各電視台, 軒仔說:「時代唔同咗, 打開新局面, 好似我做餐廳、婚紗店、錄音室生意咁, 百花齊放至有得做。」

軒仔又稱今年會多放時間在唱歌上, 尤其是經歷過疫情後, 大家都需要音樂療癒。問到他可唱劇集主題曲, 他笑說:「其實以前我都唱過劇集《盛世仁傑》主題曲, 唔記得嗰時係咪嚟舊公司, (想唔想再唱?) 睇劇本, 我鍾意唱古裝劇, (有興趣拍劇?)」

我客串過《四葉草》, 畀家草都變咗樹, 我個人比較鍾意拍古裝, 以前都想過叫化妝師幫我鑲頭套, 嚟睇吓, 不過吊威牠就差啲, 試過拍廣告吊足10個鐘, 真係個個部位都痛, 對身體各功能都擔心。」

談到好友容祖兒在內地拍攝綜藝節目期間手部受傷兼要入院縫針, 問到可有慰問對方? 軒仔表示第一時間已知道:「睇到都痛, 叫住北京喇同事買去疤膏昇佢喇, 佢工作好投入, 但平時生活就粗心大意, 好彩唔係塊面, 係隻手受傷。可能佢好掛住媽咪, 如果媽咪唔身邊會好啲, 總之比賽還比賽, 安全第一。」



●張敬軒與樂易玲及何麗全合照。

首次網上直播唱歌 林夏薇曾上堂惡補

香港文匯報訊(記者 梁靜儀)林夏薇(薇薇)與張子丰前晚為放嘉年主持的網上直播節目《星級靚聲演唱廳》做嘉賓, 放嘉年表示跟薇薇於2014年合作劇集《寒山潛龍》時認識, 知道她是唱得之人, 笑言今次很難才請得

薇薇「出宮」, 至於張子丰亦是拍劇而認識, 三人更會合唱。

薇薇表示因近年少有獻唱, 為了保持水準事前都要上堂學唱歌惡補:「自從嘉年邀請我唱歌後緊張起嚟, 因為要唱6首歌, 今次係我第1次網上直播唱歌, 同平時唱歌有少少唔同, 希望畀觀眾留下好印象。」

另外, 談到曾志偉返無綫大搞綜藝節目, 問到薇薇會否期待有更多發展? 她說:「我希望作多方面發展, 對我嚟講都係以拍劇為主, 如果有機會唱劇集主題曲就更好, 我當年都唱過《單戀雙

城》主題曲, 仲揀咗歌曲獎, 但之後就有機會再唱, 每次去登台大家都會點點頭, 都想有第二首新歌, 唔使變成一曲歌后。」

問到她可有見過堂兄林峯的女兒? 她指從未見過真人, 只看過相片:「因為疫情, 我都有見過林峯, 我連自己父母都有見過, 佢個BB女就更加未見過, 我都係睇相, 之前我買咗份禮物畀BB, 到畀家仲未送到, 佢衫仔已經買大咗個碼, 希望送到畀佢嘅時候仲啱着。」另外, 薇薇表示近日食店重開夜市, 旗下的食店生意已有好轉, 影響不算太大。



●林夏薇出席由放嘉年主持的直播節目。

伍仲衡演唱會加插悼念 Gary 環節

香港文匯報訊(記者 李思穎)音樂人伍仲衡及樂手Jason Kui昨日現身麥花臣場館出席麥花臣節活動, 今年兩人亦會在該場館開騷。

伍仲衡將會在今個月27和28日舉行兩場音樂會, 已有一年多沒有踏上實體舞台演出的他心情十分期待, 正興奮倒數, 因疫情下場館只容許半數入座率, 現時所有門票已售罄。為照顧各地歌迷, 今次音樂會有Live在網上同

步播出(收費), 他開心說:「意料不到吸引不少外地朋友買飛, 有美國、馬來西亞、遠至荷蘭、挪威都有。」他希望疫情快些有好消息, 政府可以增多兩成半入場率, 因現時仍未達到收支平衡。

他透露:「參與歌手未包括神秘嘉賓已逾20位, 歌曲有70首之多。」太極樂手唐奕聰Gary Tong早前猝逝, 伍仲衡特別為好友加插悼念環節, 會獻上Gary的作品。5月22日開騷的Jason Kui曾擔任

陳奕迅、容祖兒、林憶蓮等天王天后演唱會樂手。他非常期待是次音樂會可以與觀眾見面。



●伍仲衡(右)及Jason Kui昨日出席麥花臣節活動。

堅決支持

全國人大行使職權

以「愛國者治港」為原則

完善香港選舉制度

維護國家主權 安全 發展利益



香港五邑青年總會
Hong Kong Wu Yi Youth Association

- | | |
|----------------|--------------|
| 創會會長: 黃達東 | 主席: 黃俊雄 |
| 會長: 吳慧君 | 副主席: 周啓安 鄧勁冲 |
| 常務副會長: 胡智政 羅永邦 | |
| 秘書長: 梁秉堅 | |
| 司庫: 林君量 | |

暨全體會董會成員

